

ARTICULUS IV

*Quae sit integra arbor genealogica beatæ Virginis ?*

Ad majorem lucem, tum hucusque dictis, tum in posterum dicendis, conferendam, indubie servire apparebit, si arbor genealogica gloriosissimæ Deiparentis ex integro erigatur. Apparebit etiam inde, quasi ad oculum, qualiter beatissimæ Virginis origo sit vere omnium nobilissima, tanquam communis personis omnium nobilissimis, et progenitoribus antiquissimis : ita ut non aliter incipiat nisi a Deo, nec finiatur nisi in Deo. Sit ergo arbor ista sequens :

DEUS, RERUM OMNIUM AUCTOR

1. Adam
2. Seth
3. Enos
4. Cainan
5. Malaleel
6. Jared
7. Henoch
8. Mathusalem
9. Lamech
10. Noe
11. Sem
12. Arphaxat
13. Cainan
14. Sale
15. Heber
16. Phaleg

17. Ragan
18. Saruch
19. Nachor
20. Thare
21. Abram
22. Isaac
23. Jacob
24. Judas
25. Phares
26. Esron
27. Aran
28. Aminadab
29. Naasson
30. Salmon
31. Booz
32. Obed
33. Jesse
34. David

- 
- |              |              |
|--------------|--------------|
| 35. Salomon  | 35. Nathan   |
| 36. Roboam   | 36. Mathatha |
| 37. Abias    | 37. Menna    |
| 38. Asa      | 38. Melea    |
| 39. Josaphat | 39. Eliakim  |
| 40. Joram    | 40. Jona     |
| 41. Ochosias | 41. Joseph   |
| 42. Joas     | 42. Juda     |
| 43. Amasias  | 43. Simeon   |
| 44. Osias    | 44. Levi     |
| 45. Joatham  | 45. Mathat   |
| 46. Achaz    | 46. Jorim    |
| 47. Ezechias | 47. Eliezer  |
| 48. Manasses | 48. Jehu     |

- 49. Amon
- 50. Josias
- 51. Joachaz
- 52. Jechonias
- 53. Salathiel
- 54. Zorobabel
- 55. Abiud
- 56. Eliacim
- 57. Azor
- 58. Sadoc
- 59. Achim
- 60. Eliud
- 61. Eleazer
- 62. Mathan

cujus eadem successive  
uxor (Jesca) quae Mathat,  
ex linea Nathan,  
ex qua sunt geniti :

- |                                      |   |  |
|--------------------------------------|---|--|
| 63. Joachim,<br>cujus filia          | 63. Jacob,<br>a quo sunt<br>geniti :  | 63. Machat   |
| 64. MARIA Virgo,<br>de qua natus est | 64. Joseph, Mariae<br>sponsus.  | 64. Cleophas,<br>cognomento<br>Alphons,<br>cujus filii : |
| 65. JESUS.                           | 65. Jacobus<br>minor,<br>Josephus<br>Justus,<br>Judas<br>Thaddaeus,<br>et Simeon. | 65. Heli   |

- 49. Her
- 50. Elmadan
- 51. Cason
- 52. Abdi
- 53. Melchi
- 54. Neri
- 55. Salathiel
- 56. Zorobabel
- 57. Resa
- 58. Joanna
- 59. Juda
- 60. Joseph
- 61. Semei
- 62. Mathathia

- 66. Nathum
- 67. Amos
- 68. Mathathias
- 69. Joseph
- 70. Janne
- 71. Melchi
- 72. Levi
- 73. Mathat

cujus uxor Jesca (seu Estha),  
ex qua sunt geniti :

- |   |   |                          |
|---|---|--------------------------|
| 74. Heli, pater<br>legalis ipsius<br>Joseph, Mariae<br>sponsi.  | 74. Maria, quae nupsit<br>Mathan, sacerdoti Beth-<br>leemetico, a quo sunt<br>geniti :          | 75. Anna,<br>cujus filia |
| 75. Maria, ex qua<br>est Salome, uxor<br>Zebedaei, a quo<br>sunt geniti Jaco-<br>bus major et Jo-<br>annes Evangelista. | 75. Sobe, cujus<br>filia Elisabeth,<br>uxor Zachariae,<br>cujus est filius<br>Joannes Baptista. |                          |

76. MARIA  
Virgo, de qua  
natus est JESUS.

Gradus distantiae genealogiae augustissimae Deiparentis a  
suo stipite sunt sequentes :

*Secundum lineam Salomonis: Secundum lineam Nathan:*

A Davide rege	30	A Davide rege	42
A Juda, tribus suae auctore	40	A Juda, tribus suae auctore	52
Ab Abraham patriarcha	43	Ab Abraham patriarcha	55
A Noe, restauratore gene- ris humani	54	A Noe, restauratore gene- ris humani	66
Ab Adamo, primo parente	63	Ab Adamo, primo parente	75
A Deo, omnium Creatore	64	A Deo, omnium Creatore	76

Ex dictis patet quod beatissima Virgo sit inter omnes puros homines sanguinis claritate et generis antiquitate nobilissima. « De progenie carnis, nemo nobilior Dei Matre refulsit, » ait S. ILDEPHONSUS (*Serm. 3 in Assumpt.*).

Nobilitas beatissimae Virginis non ex sola materiali serie proavorum tam excelsa est, sed inde adeo extollitur, quod cum Deo ipso, qui omnem nobilitatem creatam in infinitum excedit, in quantum subsiliit in natura humana proximam cognationem participet, cum per modum principii generantis in eum influat, et nomen vere Genetricis Dei possideat : unde ipsa est in primo et proximo consanguinitatis gradu cum Deo, quatenus in natura humana subsistente consanguinea, quod de nemine alio affirmari potest.

Ex enuntiatis etiam liquet, quod imprimis beatissima Virgo cum sponsa suo Joseph fuerit, juxta lineam paternam, consanguinea in secundo gradu; cum Cleopha pariter in secundo; cum ejus filiis, Jacobo minore, Josepho Justo, Juda Thaddaeo et Simeone (episcopo Hierosolymitano) in tertio gradu. Item liquet quod Mater Domini, juxta lineam maternam, fuerit consanguinea cum Maria Bethleemitica juniore in secundo gradu; cum Salome, uxore Zebedaei, ejus filia, in secundo; cum ejusdem filiis Jacobo majore et Joanne Evangelista in tertio gradu. Similiter quod ex parte matris fuerit consanguinea cum Sobe in secundo gradu, cum Elisabeth, ejus filia, in secundo, et cum Joanne Baptista in tertio gradu.

## QUAESTIO QUARTA

### DE CONCEPTIONE DEIPARAE QUOAD CORPUS

#### ARTICULUS I

#### *Utrum beatissima Virgo contraxerit peccatum originale quoad corpus?*

Observandum est peccatum originale, quoad effectum primum (qui est reddere privatum gratia sanctificante in vindictam peccati primi parentis), esse in sola anima, quia haec sola hujus effectus est capax, uti expresse docet S. THOMAS (*part. 1-2, quaest. 83, art. 1.*); et ideo in praesenti non quaeritur an beata Virgo non contraxerit peccatum originale in corpore quoad hunc effectum primum. Sunt tamen etiam alii effectus peccati originalis quorum corpus est capax, quos ex sanctis Patribus commemorat doctor conspicuus, sub his verbis : « Patres, et praesertim sanctus Thomas, foetum necdum animatum vocant passim massam damnatam, terram maledictam, carnem peccati : agnoscunt ergo peccatum originale non in sola anima reperiri, sed etiam in corpore, imo ex corpore in animam redundare. Cum enim anima sit immediate a Deo, nulloque modo ex Adamo procedat, non potest peccatum Adami immediate in animam transfundi, sed tantum mediante corpore, cui ipsa unitur (SFONDRATI, *Innocentia vindicata*). » Merito igitur sub examen vocatur an beata Virgo contraxerit peccatum originale quoad corpus. Ad quod